

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TANO

KIKAO CHA HAMSINI NA MBILI

25 JUNI, 2019



ORODHA YA SHUGHULI ZA LEO

MKUTANO WA KUMI NA TANO

KIKAO CHA HAMSINI NA MBILI – TAREHE 25 JUNI, 2019

I. DUA:

II. MASWALI:

OFISI YA RAIS (TAMISEMI):

**447. MHESHIMIWA OSCAR RWEGASIRA
MUKASA (BIHARAMULO MAGHARIBI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kata ya Biharamulo Mjini imetangazwa kuwa Mamlaka ya Mji Mdogo hivi karibuni; kwa sasa kuna mahitaji makubwa ya upangaji wa ardhi na makazi hasa katika hadhi ya kuwa Mamlaka ya Mji Mdogo:-

Je, Serikali ipo tayari kuwaunga mkono Wananchi wa Biharamulo Mjini wakati huu ambapo wao wenyewe wanaendelea na jitihada za ndani kuhakikisha wanakuwa na upangaji wa makazi unaoendana na hadhi mpya ya Mamlaka ya Mji Mdogo.

**448. MHESHIMIWA JOEL MWAKA MAKANYAGA
(CHILONWA):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kuitengeneza kwa kiwango cha kupitika muda wote wa mwaka barabara inayounganisha Kijiji cha Mbelezungu na Kijiji cha Majeleko vyote vikiwa ndani ya Kata ya Majeleko.

**449. MHESHIMIWA DKT. PUDENCIANA
WILFRED KIKWEMBE (KAVUU):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mhe. Rais wa Jamhuri ya Muungano wa Tanzania amekuwa akikemea sana baadhi ya kodi ambazo zimekuwa ni kero kwa Wananchi:-

Je, ni kwa nini baadhi ya Halmashauri zimekuwa zikikaidi agizo hilo la Mheshimiwa Rais.

**OFISI YA RAIS (UTUMISHI NA UTAWALA
BORA):**

**450. MHESHIMIWA ANATROPIA LWEHIKILA
THEONEST (VITI MAALUM):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-
Je, ni likizo ya muda gani wamekuwa wakipewa Wazazi (Watumishi Wanawake au Wanaume) pale wanapopata Watoto mapacha zaidi ya wawili au Watoto Njiti.

WIZARA YA MAMBO YA NJE NA USHIRIKIANO WA AFRIKA MASHARIKI:

451. MHESHIMIWA OTHMAN OMAR HAJI (GANDO):

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Lengo kuu la Mpango wa Kujitathmini Kiutawala bora Barani Afrika (APRM) ni kuziwezesha nchi za Afrika kuimarisha Utawala Bora kwa kuwawezesha Wananchi wake kubainisha changamoto:-

Je, ni hatua gani ambazo zinachukuliwa na Tanzania katika kutekeleza mpango huo.

WIZARA YA UJENZI, UCHUKUZI NA MAWASILIANO:

452. MHESHIMIWA ISSA ALI MANGUNGU (MBAGALA):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Kilwa eneo la Rangitatu – Kongowe – Mikwambe imeharibika na ni finyu sana:-

Je, Serikali ina mpango gani wa kuijenga barabara hiyo kwa njia nne.

WIZARA YA AFYA, MAENDELEO YA JAMII, JINSIA, WAZEE NA WATOTO:

453. MHESHIMIWA MGENI JADI KADIKA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kuna kundi kubwa la Watoto wenye mazingira magumu ambao wanazurura tu na hivyo kukosa haki zao za msingi ikiwemo elimu na malezi bora:-

Je, Serikali ina mkakati gani wa kuokoa kizazi hicho ambacho kinapotea.

454. MHESHIMIWA GRACE VICTOR TENDEGA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Watu wenye Ulemavu wamekuwa wakipata adha kubwa katika kupata matibabu ikiwemo kukosa fedha kwa ajili ya matibabu:-

Je, ni lini Serikali itahakikisha inawapatia Bima ya Afya Watu wenye Ulemavu.

WIZARA YA KILIMO:

455. MHESHIMIWA ANTHONY CALIST KOMU (MOSHI VIJIJINI):

Atamuuliza Mheshimiwa Waziri wa Kilimo:- Shamba la Miwa la TPC lina eneo lenye ukubwa wa zaidi ya hekta 6,000 ambalo halifai kwa kilimo cha miwa lakini zipo taarifa kuwa Wawekezaji wanataka kulitumia eneo hilo kuanzisha hifadhi ya wanyamapori:-

- (a) Je, ni kwanini Serikali inaruhusu Mwekezaji huyo kuanzisha mradi tofauti kabisa;
- (b) Je, ni kwanini Serikali isitoe eneo hilo kwa Wananchi wanaozunguka shamba hilo kwa ajili ya malisho ya mifugo yao.

WIZARA YA MAJI:

456. MHESHIMIWA DAVID ERNEST SILINDE (MOMBA):

Atamuuliza Mheshimiwa Waziri wa Maji:-

Je, ni upi mpango wa sasa wa kutatua kero ya maji katika Jimbo la Momba.

WIZARA YA MAMBO YA NDANI YA NCHI:

457. MHESHIMIWA USSI SALUM PONDEZA (CHUMBUNI):

Atamuuliza Mheshimiwa Waziri wa Mambo ya Ndani ya Nchi:- Vituo vingi vidogo vya Polisi katika Mkoa wa Mjini Magharibi Unguja vimefungwa na kuwapa wakati mgumu Wananchi wanapohitaji huduma ya Polisi wakati vilikuwa vinasaidia kupambana na uhalifu kwa wakati muafaka:-

- (a) Je, ni kwa sababu gani Vituo hivyo vimefungwa na Wananchi kulazimika kupata huduma katika Vituo vikubwa kinyume na malengo ya kuanzishwa kwake;
- (b) Je, ni kwa nini Vituo vya Kilimani, Mkunazini, Mlandege pamoja na Vituo vingine vimefungwa na Wananchi kulazimika kufuata huduma umbali mrefu;
- (c) Je, hatua za kufunga Vituo hivyo inasaidia vipi katika kupambana na uhalifu hasa katika maeneo ya katikati ya

Mji wa Zanzibar na Serikali ina mpango gani na majengo yake.

458. MHESHIMIWA HASNA SUDI KATUNDA MWILIMA (KIGOMA KUSINI):

Atamuuliza Mheshimiwa Waziri wa Mambo ya Ndani ya Nchi:- Vijana wengi wa maeneo ya Nguruka na Uvinza kwa ujumla biashara zao ni pikipiki na Polisi wamekuwa wakiwakamata na kuwatoza fedha nyingi Vijana hao bila utaratibu:-

Je, Serikali haioni kuwa sasa ni wakati wakuelekeza Jeshi la Polisi kuacha mara moja kuwasumbua Vijana hao wa bodaboda ambao wanajipatia riziki kupitia bodaboda.

III. HOJA ZA SERIKALI:

WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2018 na Mpango wa Maendeleo wa Taifa kwa Mwaka wa Fedha 2019/2020.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2019/2020.

(Majadiliano yanaendelea)

IV. MISWADA YA SHERIA YA SERIKALI:

(Kusomwa Kwa Hatua zake zote)

Muswada wa Sheria ya Kuidhinisha Matumizi ya Serikali kwa Mwaka 2019 *(The Appropriation Bill, 2019)*.

**DODOMA
25 JUNI, 2019**

**S. KAGAIGAI
KATIBU WA BUNGE**

